

Supervizor za Brčko izdaje Nalog u vezi sa tržnicom Arizona

Supervizor za Brčko, ambasador Geri Metjuz, je juče, 16. studenog 2000. godine, izdao Nalog u vezi tržnice Arizona, nakon odluke OHR-a, OSCE-a, UNMBIH-a i SFOR-a da se uhvate u koštac sa problemima vezanim za ovu tržnicu, što je izraženo u zajedničkoj izjavi od 26. oktobra 2000.

Nalog supervizora sadrži tri paketa mjera:

- Uspostavljanje mehanizma za izdavanje dozvola za rad za sve poslovne djelatnosti koje se obavljaju na tržnici, kako bi se osiguralo da Vlada Brčko Distrikta na odgovarajući način regulše sve trgovačke aktivnosti.
- 2. Regulisanje i ograničavanje radnog vremena tržnice u svrhu postizanja odgovarajućih standarda bezbjednosti za legalne trgovačke djelatnosti.
- 3. Uputstva gradonačelniku Brčkog da osnuje operative snage, koje će se sastojati od članova Vlade Brčko Distrikta i policije Brčko Distrikta, i koordinirati mjere neophodne za sprovođenje Naloga. Te operative snage takođe imaju zadatak da pripreme sveobuhvatan plan za regulisanje i izmještanje tržnice Arizona, koji će biti predat supervizoru na odobrenje.

Ambasador Metjuz je takođe izdao jasne instrukcije policiji Brčko Distrikta da sprovodi postojeće zakone u cilju borbe protiv ilegalnih aktivnosti na tržnici Arizona, kao što su prostitucija, ilegalna imigracija i krijumčarenje robe.

Nalog Supervizora je sinoć poslat odgovornim tijelima u Bosni i Hercegovini, Federaciji Bosne i Hercegovine, Republici

Srpskoj i Brčko Distriktu.